

1284.315  
38  
12



# 渠縣志

卷一册

星野  
圖考

疆域  
形勢  
山川  
建置沿革  
水利

渠縣志卷一

星野志

古之言分野者自周禮保章氏以星土辨九州之野始而後世異同之辨紛如大要括一州一郡言之未有舉一隅而切指之者也謹按

大清一統志四川分星井鬼翼軫四宿渠舊隸順慶相距三百里而遙則郡城當在鶻首而渠實居鶻尾之次夫辰宿有定位而井邑多變更未可以方隅易觀強躔度以從我然而黃鼎有言星野之分雖

渠縣志

卷一

星野

有定屬亦有因人事而變者夫魏徙大梁則西河合於東井秦拔宜陽則上黨入於輿鬼又况昨屬荆豫今隸司兗朝爲零桂之士夕爲廬九之民乎然則分星之說詎可泥而不變舊志圖參井二宿今改繪翼軫從其變也亦期變而不失其正焉耳

志星野

按舊唐書天文志鶻尾起張十五度中翼十二度終軫六度三統歷翼十八度軫十七度宋史律歷志張十五度七十三分秒四十四入楚八



鵠尾之次元史張十五度五十六分三十五秒  
外入楚分鵠尾之次以上二說度分稍差而鵠  
尾爲楚分則一渠占爲巴國巴故楚屬也則分  
星之在鵠尾尤確星經每星一度轄地一千四  
百六里有奇渠距綏二百餘里距故楚郢都二  
千餘里今雖未能確指入某宿某度然大旨不  
外乎是故因以著錄焉


渠縣志

卷一

星野

二

翼宿全圖



步天歌

翼二十二星太難識上五下五橫著行中心六箇  
恰似張更有六星在何處三三相連張畔附必若

渠縣志

卷一

星野

三

不能分處所更請向前看野取五箇黑星翼下頭

欲知名字是東甌

謹按


皇朝文獻通考翼宿內有東甌五星今準

欽定儀象考成無之故不繪入圖而列晉宋天文志原文

於左晉書天文志翼南五星曰東甌蠻夷星也宋

史天文志東甌五星晉史在二十八宿之外

軫宿全圖



步天歌

軫四星似張翼相近中央一箇長沙子左轄右轄  
附兩星軍門兩黃近翼是門下四箇土司空門東

渠縣志

卷一

星野

四

七烏青邱子青邱之下名器府器府之星三十二  
以上便為太微宮黃道向上看取是

謹按

皇朝文獻通考軫宿內有軍門二星土司空四星器府  
三十二星今準

欽定儀象考成無之故不繪入圖而列晉天文志原文於

左晉書天文志土司空北二星曰軍門主營侯彪  
尾威旗青邱西四星曰土司空主界域亦曰司徒  
軫南三十二星曰器府樂器之府也